

子平淵源



子平三命通變淵源序

夫五行通道取用多門物不精不為神數不
妙不為術子平之法易學難精有抽不抽之
緒有見不見之形以日為主搜用八字先觀
提綱之輕重次詳時日之淺深專論財官元
無元有日下之神財官有者最要純一如有
官星者不論格局有格局者不喜官星更者
運神向背自然蘊奧分明假令六甲日為主
八月為正氣官星若逢卯丁克破此謂有情
無情俟自幼纂術參訪高人傳授子平其數

定格局。歷學歲年。頗得真趣。今因閒暇。類成
編次。尋其捷徑。名曰通變淵源。謹綴于梓。以
廣其傳。欲使後之學者。快其心目。開卷易曉。
若能觀覽熟讀。詳玩則貴賤吉凶。真如對鑑。
見形也。寶祐年。月望日。東齋徐大升序。

子平三命通變淵源目錄

上卷

天干通變圖

地支造化圖

起法

天德

月德

定寅時歌

十惡大喪日

定真論

喜忌篇

繼善篇

看命入式正官

偏官

正財

偏財

雜氣

用實

拱祿

拱貴

金神

日月

陽刃

印綬

傷官

月德

魁剛

時墓

下卷

十八格局

正官格

雜氣財官格

月上偏官格

時偏財格

時上一位貴格

飛天祿馬格

倒衝格

乙巳鼠貴格

合祿格

子選已格

丑選已格

壬騎龍背格

并攔义格

歸祿格

六陰朝陽格

刑合格

拱祿拱貴格

印綬格

雜氣印綬格

目錄終

缺
頁

子平三命通變淵源卷上

錢塘東齋徐大升

新編

天干通變圖

甲	乙	丙	丁	戊	己	庚	辛	壬	癸
直看				日生見					
甲	乙	丙	丁	戊	己	庚	辛	壬	癸
比肩 劫財 食神 傷官 偏財 正財 七殺 正官 偏印 正印	比肩 劫財 食神 傷官 偏財 正財 七殺 正官 偏印 正印	比肩 劫財 食神 傷官 偏財 正財 七殺 正官 偏印 正印	比肩 劫財 食神 傷官 偏財 正財 七殺 正官 偏印 正印	比肩 劫財 食神 傷官 偏財 正財 七殺 正官 偏印 正印	比肩 劫財 食神 傷官 偏財 正財 七殺 正官 偏印 正印	比肩 劫財 食神 傷官 偏財 正財 七殺 正官 偏印 正印	比肩 劫財 食神 傷官 偏財 正財 七殺 正官 偏印 正印	比肩 劫財 食神 傷官 偏財 正財 七殺 正官 偏印 正印	比肩 劫財 食神 傷官 偏財 正財 七殺 正官 偏印 正印
傷官 食神 正財 偏財 正官 七殺 正印 偏印 劫財 比肩	傷官 食神 正財 偏財 正官 七殺 正印 偏印 劫財 比肩	傷官 食神 正財 偏財 正官 七殺 正印 偏印 劫財 比肩	傷官 食神 正財 偏財 正官 七殺 正印 偏印 劫財 比肩	傷官 食神 正財 偏財 正官 七殺 正印 偏印 劫財 比肩	傷官 食神 正財 偏財 正官 七殺 正印 偏印 劫財 比肩	傷官 食神 正財 偏財 正官 七殺 正印 偏印 劫財 比肩	傷官 食神 正財 偏財 正官 七殺 正印 偏印 劫財 比肩	傷官 食神 正財 偏財 正官 七殺 正印 偏印 劫財 比肩	傷官 食神 正財 偏財 正官 七殺 正印 偏印 劫財 比肩

缺
頁

起法

年本

月

日主

時

大運

流年

此法不用胎元小運只以年月日時流年歲君大運參攷是矣所有起例併具于前

天德

正丁

二坤

三壬

四辛

五亥

六

甲

七癸

八寅

九丙

十乙

十一

巳

十二庚

月德

寅午戌月丙亥卯未月甲申子辰月壬巳酉
丑月庚

如人命先犯凶煞若遇天月二德神
救者凶不為凶更得貴人扶助作顯貴
之命。

定寅時歌

正九五更二點徹二八五更四點歇三七平
光是寅時四六日出寅無別五月日高三丈
地十月十二四更二仲冬纔到四更初便是
寅時為君記。

十惡大敗日

甲巳年

三月戊戌七月癸亥十一月丁亥

乙庚年

四月壬申

九月乙巳

丙辛年

三月辛巳九月甲辰

丁壬年

無戊癸

年

己丑月

出道藏中第四十九函減字號內黃庭經第七十二卷上說元貞觀年奏下人

間事

定真論

夫生日為主者行君之令法運四時陰陽剛柔之情內外否泰之道進退相傾動靜相代

取困亨出入之緩急求濟復散歛之巨微釋
日之法有三要以干為天以支為地以支中
所藏者為人元分四柱者年為根月為苗日
為花時為實又釋四柱之中以年為祖上則
知世代宗派盛衰之理以月為父母則知親
蔭名利有無之類以日為己身當推其干搜
用八字為內外取捨之源干弱則求氣旺之
籍有餘則欲不足之營干同以為兄弟如乙
見甲為兄忌庚重也甲以乙為弟畏辛多也
干克以為妻財多干旺則多稱意若干衰

則財反禍。干與支同。損財傷妻也。男取克干
為嗣。女取干生為子。存失皆例。以時分野。當
推落地貧賤富貴之區。理愚所謂五行真假
少人知。時須是泄天機是也。俗以甲子作
海中金。即婁景之前未知金在海中之論。或
用年為主。則可知萬億富貴相同者。以甲子
年生便為本命。忌日之戒。月為兄弟。如火命
生酉戌亥子月。言兄弟不得力之斷。或日為
妻。如在空刑克殺之地。言克妻妾之斷。或時
為子息。臨死絕之鄉。言子少之斷。論之皆非。

人之可為造物陰陽之所致傾世術士不知
斯理而淆亂於俗故不可以言傳當考幽微
之妙矣

喜忌篇

四柱排定三才次分專以日上天元配合八
字其支干不見之形無時不有神教相伴輕
重較量若乃時逢七煞見之未必為凶月制
干強其煞返為權印財官印綬全備歲蓄於
四季之中官星財氣長生鎮居於寅申巳亥
庚申時逢於戊日名食神干旺之方歲月犯

甲丙卯寅此乃是遇而不遇月生日干無天
財乃印綬之名日祿歸時沒官星號青雲得
路陽水疊逢辰位是壬騎龍背之鄉陰木獨
遇子時為六乙鼠貴之地庚日全逢潤下忌
壬癸巳午之方時遇子申其福減半若逢傷
官月建如凶處未必為凶內有正倒祿飛忌
官星亦嫌羈絆六癸日時若逢寅位歲月怕
己戊二方甲子日再遇子時畏庚辛申酉丑
午辛癸日多逢丑地不喜官星歲時逢子巳
二宮虛名虛利拱祿拱貴填實則凶時上偏

財別宮忌見六辛日時逢戊子嫌午位運喜
西方五行遇月支偏官歲時中亦宜制伏類
有去官留煞亦有去煞留官四柱純煞有制
定居一品之尊略見一位正官官煞渾雜反
賤戊日年月勿作刃看時歲火多却為印綬
月令雖逢建祿切忌會煞為凶官星七煞交
差却有合煞為貴柱中官星太旺天元羸弱
之名日干旺甚無依若不為僧為道印綬生
月歲時忌見財星運入財鄉却宜退身避職
劫財陽刃切忌時逢歲運併臨灾殃立至十

干背祿歲時喜見財星運至此肩號曰背祿
逐馬五行正貴忌衝刑剋破之宮四柱干支
喜三合六合之地日干無氣時逢陽刃不為
凶神煞兩停喜者存之憎者棄之地支天干
合多亦貪合忘官四柱煞旺運純身旺為官
清貴凡見天元太弱內有弱處復生柱中七
煞全彰身旺極貪無煞女人之命一貴可作
良人貴衆合多定是師尼娼妓偏官時遇制
伏太過乃是貧儒四柱傷官運入官鄉又破
五行絕處即是胎元生日逢之名曰受氣是

以陰陽罕測不可一理而推務要神分貴賤
略數古聖之遺迹約以今賢之博覽若遵此
法參詳鑑命無差無忒

繼善篇

人稟天地命屬陰陽生居覆載之內盡在五
行之間欲知貴賤先觀月令乃提綱次斷吉
凶專用日干為主本三元要成格局四柱喜
見財官用神不可損傷日主最宜健旺年傷
日干名為主本不和歲月時中大怕煞官渾
雜取用憑於生月當推究於淺深發覺在於

日時要消詳於強弱官星正氣忌見衝刑時
上偏財怕逢兄弟生氣印綬利官運畏入財
鄉七煞偏官喜制伏不宜太過傷官復行官
運不測災來陽刃衝合歲君勃然禍至富而
且貴定因財旺生官非夭即貧必是身衰遇
鬼六壬生臨午位號曰祿馬同鄉癸日坐向
巳宮乃是財官雙美財多身弱正為富屋貧
人以殺化權定顯寒門貴客登科甲第官星
臨無破之宮納粟奏名財庫居生旺之地官
貴太盛纔臨旺處必傾印綬被傷倘若榮華

不久有官有印無破作廊廟之材無印無官
有格乃朝廷備用名標金榜須還身旺逢官
得佐 聖君貴在衝官逢合非格非局見之
焉得為奇身弱遇官得後徒然費力小人命
內亦有正印官星君子格中也犯七煞陽刃
為人好殺陽刃必犯於偏官素食慈心印綬
遂逢於天德生平少病日主剛強一世安然
財命有氣官刑不犯印綬天德同宮少樂多
憂蓋緣日主自弱身強然淺假煞為權煞重
身輕終身有損衰則變官為鬼旺則化鬼為

官月生日干運行不喜財鄉日主無依却喜
運逢財地時歸日祿生平不喜官星除若朝
陽切忌丙丁離位太歲眾煞之主入命未必
為灾若遇戰鬪之鄉必主刑於本命歲傷日
干有禍必輕日犯歲君灾殃必重五行有救
其年返必為財四柱無情故論名為剋歲庚
辛來傷甲乙丙丁先見無危丙丁返剋庚辛
壬癸遇之不畏戊己愁逢甲乙干頭須要庚
辛壬癸慮遭戊己甲乙臨之有救壬來剋丙
須要戊字當頭癸去傷丁却喜己來相制庚

得壬男制丙火作長年甲以乙妹妻庚酉馬
吉兆天元雖旺若無依倚是常人日主夫系
縱遇財官為寒士女人無煞犯二德可兩國
之封男命身強遇三奇為一品之貴甲逢己
而生旺定懷中正之心丁遇壬而太過必犯
淫訛之亂丙臨申位逢陽水難獲延年己入
亥宮見陰木終為損壽庚值寅而遇丙主旺
無危乙遇巳而見辛身衰有禍乙逢庚旺長
存仁義之風丙合辛生鎮掌威權之職一本
疊逢火位名為氣散之文獨水三犯庚辛號

曰體金之象水歸冬旺生平樂自無憂木在
春生處世安然必壽金弱遇火炎之地血疾
無疑土虛逢木旺之鄉脾傷定論筋疼骨痛
蓋目木被金傷眼暗目昏必是火遭水剋金
逢艮而遇土號曰還魂水入巽而見金名為
不絕土臨卯位未中年便欲灰心金遇火鄉
雖少壯必然挫志金木交爭刑戰仁義俱無
水火遞互相傷是非日有木從水養水盛而
木則飄流金賴土生土厚而終遭埋沒是以
五行不可偏枯務要稟中和之氣更能絕慮

忘思鑒命無差無誤

看命入式

正官

甲見辛之類乃陰見陽官陽見陰官陰陽配合成其道也大抵要行官旺鄉月令是也月令者提綱也看命先看提綱方看其餘既曰正官固難得復行官旺之鄉或是有成局及行不傷官之地并經財旺之鄉皆是作福之處正官乃貴氣之物大忌刑衝破害及於年時干皆有官星隱露恐福渺矣又須看年時

上別有是何入給作福去處方可斷其吉凶
苟一塗而取則不能通變必有差毫釐繆千
里之患經曰通變以為神者是也正官或多
反不為福何以言之蓋人之命貴得中和之
氣太過與不及皆不可故曰太過與不及同
中和之氣為福厚偏黨之尅為灾殃既用提
綱作正官年時支干位或有一偏官便雜矣
不可不仔細以輕重推測也

偏官七煞也

何謂之偏官蓋陽見陽官陰見陰官不成配

偶猶如經言二女不能同居二男不可並處是也偏官即七煞要制伏蓋偏官七煞即小入小人無知多凶暴無忌憚乃能勞力以養君子而服役護衛君子者小人也惟是不懲不戒無術以控制之則不能馴伏而為用故揚子曰御得其道則狙詐咸作使御失其道則狙詐咸作敵小人者狙詐也要控制御得其道耳一失控御小人得權則禍立見矣經曰人有偏官如抱虎而眠雖倚其威是以攝群畜稍失閔防必為其噬臍不可不慮也如遇

三刑俱全陽刃在日及時又有六害復遇魁
剛相衝如是人之凶不可具述制伏得位運
復經行制伏之鄉此大貴也苟如前者凶神
俱聚運遊煞旺之鄉凶禍有不言可知也如
有一殺而制伏有二三復行制伏之運反不作
福何以言之蓋盡法無法雖猛如狼不能逞
技矣是又不可專言制伏要須輕重得所不
可太甚亦不可不及須仔細審詳而言則禍
福如影響耳

正財

何謂之正財猶如正官之意是陰見陽財陽見陰財大抵正財吾妻之財也人之女貴財以事我必精神康強然後可以享用之如吾身方且自養儒而不振雖妻財豐厚但能目視終不可一毫受用故財要得時不要財多若財多而自家日本有力可以勝任富化作官天元一氣羸弱貧薄難治是以樂於身旺不要行尅制之鄉尅制者官鬼也又懼所主之月令正吾衰病之地又四柱無父母以生之反又見財謂之財多不喜力不任財禍患

百出雖少年經休囚之位故是不如意多事
頻併或中年或末年復臨父母之鄉或三合
可以助我者則勃然而興不可禦也倘少年
乘旺老在脫局不惟窮途恹惶無且是非紛
起益財者起爭之端也若或四柱相生別帶
貴格不值空亡又行旺位運三合財生皆是
貴命其餘福之淺深皆隨入格輕重而言之
財多生官要須身健財多盜氣奪自身養年
運又或傷財必生奇禍或然帶刑併七煞來
臨凶不可言也

偏財

何謂之偏財蓋陰見陰財陽見陽財也猶甲見戊乙見巳丙見庚丁見辛戊見壬己見癸庚見甲辛見乙壬見丙癸見丁者是也然而偏財乃眾人之財只恐姊妹兄弟有奪之則福不全不有官星禍患百出故曰偏財好出亦不懼藏惟怕有以分奪反空亡耳有一于此官將不成財將不在經曰背祿逐馬守窮途而恤惶是也財弱亦待歷旺鄉而榮財盛無所往而不然但恐身勢無力耳偏財主人

慷慨不甚吝財惟是得地不止財豐亦能官
旺何以言之蓋財盛自生官矣但為人有情
而多詐蓋財能利己亦能招謗運行旺相福
祿共臻只恐大旺兄弟必多破壞亦不受財
多須看財興我之日干強弱相等行官鄉便
可發祿若財盛而身弱違至官鄉是既被財
之盜氣後被官之剋身不惟不發祿亦防禍
患如今四柱中先帶官星便作好命看看四
柱中兄弟輩出祿入官鄉發祿必甚矣故曰
要在識其通變矣

雜氣 辰戌丑未之月也

雜氣者蓋謂辰戌丑未之位也辰中有乙癸
戌字戌中有辛丁戌字丑中有癸辛巳字未
中有丁乙巳字此四者天地不正氣也須看
六甲何如以論之假如日干是甲而得丑月
貴既在中辛則正官癸為之印綬巳則為正
財不知因何為福要在四柱中看透出是何
字隨其所出而言其吉凶有如前說法但庫
中物皆閉藏須待有以開其扁輪方言發祿
所謂開扁輪者何物也乃刑衝破害耳且四

柱元有刑衝破害復行此等運氣則刑衝破
害多反傷其福大抵雜氣要財多便是貴命
若年時別人他格當以他格例斷之蓋此乃
天地之難不能純一故少力耳別格專於時
年乃重事看命須審輕重以取禍福先論重
者次言輕者有發百中矣其他當以類言

日貴

天乙貴人有四日

日貴者何即甲戌庚午之類正有四日丁
酉丁亥癸巳癸卯耳最怕刑衝破害經曰崇
為寶也奇為貴也所以貴人怕三刑六害也

缺
頁

丁巳日見丁未時 己未日見己巳時
癸丑日見癸亥時 癸亥日見癸丑時
戊辰日見戊午時

所拱之地惟怕一位空亡則拱不住矣用年日時上干以拱之運行貴遠乃是發祿之位運行會合亦是亨通大怕刑衝被害所拱之位又嫌實却虛位有一如此禍不旋踵更帶陽刃七煞凶不可言必為人駭俊多能蓋由秀氣而發方免少凶多吉一有觸之由如前說矣

金神

金神者止有三時癸酉辛巳乙丑金神乃破敗之神要制伏入火鄉為勝如四柱中更帶七煞陽刃真貴人也大抵威猛者以強暴為能威苟不專人得以侮故必狼暴如虎動群獸既攝威德行矣然太剛必折不有以制之則寬猛不濟何以上履中和之道故曰有剛者在馴伏調致其和福祿踵至雖然其入首剛折明敏之才崛強不可馴伏之志運行火鄉四柱有火局便為貴命懼水鄉則為禍矣

日刃 陽刃

日刃陽刃同日刃有戊午丙午壬子日也與陽刃同法不喜刑衝被害不喜會合氣愛七煞要行官鄉便為貴命若四柱中一來會合必主奇禍其人主眼大鬚長性剛果毅無惻隱惠慈之心有刻剝不恤之意三刑自刑魁則全戮跡在疆場如或無情或臨財旺則主其凶或有救神要先審察如刑害俱全類皆得地貴不可勝言若安得不萃也獨陽刃以時言之四柱中不要入財鄉怕衝陽刃且如

戊日刃在午忌行子正財運壬刃在子忌行
午正財運庚刃在酉忌行卯正財運甲刃在
在卯行巳午并辰戌丑未財運不妨忌酉運
丙日刃在午行申酉庚辛刃不妨忌子運大
抵陽刃要身旺喜有物以去之經曰人有鬼
人物有鬼物逢之為災去之為福且如葛叅
政命壬申壬子戊午乙卯戊日刃在午喜得
乙卯時正官星制伏去了為福矣

印綬

所謂印生者即印綬也經曰有官無印即非

真官有印無官反成其福何以言之大抵人生得物以相助相生相養使我得萬物之見成豈不妙乎故主人多智慮無豐厚蓋印綬畏財主人括囊故四柱中及運行官鬼反成其福蓋官鬼能生我只畏其財而財能反傷我此印綬之妙者多是受父母之蔭父母之資財見成安享之人若人以兩三命相並當以印綬多者為上又主一生少病能飲食或若財多乘旺必多淹留雖喜官鬼而官鬼多或入格又不可專以印綬言之假如甲乙日

得亥子月生丙丁日得寅卯月生戊己日得
巳午月生庚辛日得辰戌丑未月生壬癸日
得申酉月生者是也其餘以類言之最怕行
印綬死絕之運或運臨死絕復有物以竊之
即入黃泉無可救也

傷官

傷官者其驗如神傷官務要傷盡傷之不盡
官來乘旺其禍不可勝言傷官見官為禍百
端倘月令在傷官之位及四柱次合作合皆
在傷官之處又行身旺鄉真貴人也傷官主

人多才藝傲物氣高常以天下之人不如己而貴人亦憚之人亦惡之運一逢官禍不可言或有言神可解必生惡疾以殲其軀不然連遭官事如運行剝官財神不旺皆是安享之人仔細消詳萬無失一也

日德

日德有五甲寅戊辰丙辰庚辰壬戌日是也其福要多而忌刑衝破害忌官星憎財旺加臨會合懼空亡而忌魁剛此數者乃格之大也抵日德主人性格慈善日德居多福

必豐厚運行身旺大是奇絕若有財官加臨
別尋他格正能免非橫之禍若旺氣已衰乘
至旺剛其死必矣或未發福運至旺剛體格
既好如生禍患一脫于此必能再發終身力
微不可不知也

魁剛

魁剛者有四壬辰庚戌庚辰戌戌日是也如
日位加臨者衆必是福人運行身旺發福百
端一見財官禍患立至主人性格聰明文章
振發臨事有斷惟是好殺若四柱有財及官

或帶刑殺禍不可測倘自擯處衝者太衆必
是小人刑責不離窮必徹骨運臨官財旺處
亦防奇禍

時墓

時墓之論謂財官之墓時臨之也要刑衝破
害以開扇鑰其人必難發於少年經曰少年
不發墓中人是也怕有物以壓之如丁用壬
辰為庫官別有戊辰之類制之則丁不能官
矣如此難作好命必得有物以破其戊雖得
庫福已淺經曰鬼入墓中危疑者甚若觸

商長財亦如之此是秘言不可輕泄之

子平三命通變淵源卷上

子平三命

子平三命通變淵源卷下

十八格

正官格

月內有官星者是也時下
有財生者真貴人也

怕衝

忌見傷官

七煞

大運亦

然

喜印綬

喜身旺

喜財星

歲運同

近世貴人八格

乙未年

乙酉月

甲子日

丙寅時

王知府

乙卯

戊子

丙子

庚寅

金丞相

乙卯

丁亥

丁未

庚戌

金狀元

癸未	乙卯	戊寅	壬子	陳侍郎
壬寅	壬寅	己卯	壬申	乘丞相二寅不怕衝
乙酉	辛巳	辛未	戊子	陳寺丞
甲申	壬申	乙巳	戊寅	薛相公
丁丑	壬寅	己巳	丙寅	范太博
丁酉	丙午	壬寅	甲辰	李知府
己卯	癸酉	甲辰	丙寅	周郎中
庚申	戊子	丙申	庚寅	木尚書
庚午	壬午	壬辰	辛亥	李國錄
辛卯	庚子	丙申	庚寅	趙知府

癸未

丁巳

癸未

乙卯

呂官屬

雜氣財官格

辰戌丑未月生者是若煞旺官少則要制伏
多則損之少則益之要行財旺之運

戊子

乙丑

丁未

辛亥

李御帶

壬子

甲辰

己卯

壬申

黃狀元

壬子

丁未

庚戌

壬午

楊和王

戊子

壬戌

乙亥

丁亥

王尚書

丁丑

癸丑

己酉

戊辰

林侍郎

丙寅

戊戌

辛酉

戊子

張參政

壬寅	甲辰	丁酉	庚子	王太尉
己卯	辛未	壬寅	辛亥	宣恭政
己卯	丁丑	丙寅	庚寅	秦龍圖
癸巳	丙辰	丙午	癸巳	鄧知省
庚午	己丑	乙卯	壬午	秦太師
甲午	戊辰	乙卯	丙子	馮殿帥
壬午	丁未	壬申	庚子	趙侍郎
癸未	乙丑	戊辰	辛酉	趙侍郎
癸未	己未	庚辰	丁亥	黎大鑒

月上偏官格 七煞也要日干生旺

喜身旺怕衝多為人性重剛執不屈時偏官
多者亦然喜見陽刃然月上偏官用地支只
要一位要行偏官運若有中了年時上又有
之却不要行偏官旺運亦不要行官鄉歲君
一同為太過而反成禍須要行制伏得地之
運方發與時偏官相似又不可專言制伏矣

丙子

甲午

辛亥

辛卯

沈郎中

丙寅

戊戌

壬戌

辛丑

何泰政

丙寅

庚寅

戊辰

庚申

馬將仕

癸卯

丁巳

壬寅

甲辰

岳統領

癸卯 乙卯 己巳 乙丑 蔣狀元

丙辰 癸巳 壬戌 壬寅 老僕王

丙午 丙申 甲寅 丁卯 趙侍郎

甲申 乙亥 丙戌 庚寅 劉八門司

丁亥 辛亥 丙申 庚寅 莫侍郎

時偏財格

如時上偏財與時上偏官相似只要時上一
位不要多而三處不要再見財却怕衝與月
上偏官一同偏財要財旺運

庚寅 乙酉 甲子 戊辰 李泰政

癸亥	乙卯	乙未	壬午	吳二相公
乙未	甲申	丙申	庚寅	曾本政
癸卯	戊午	丁丑	辛丑	陳尚書
戊子	辛酉	戊申	壬子	曾知府
甲午	丁丑	己未	癸酉	邢司令
壬午	壬寅	庚子	戊寅	高侍郎
乙酉	己卯	辛卯	辛卯	侯知閣
丁亥	戊申	壬申	丙午	劉中書
庚午	戊子	癸卯	丁巳	王步帥

已上一位貴格

一位方為貴或年月日又有反為
辛苦勞力之命也如時上位七煞要本身白
旺而三處有制伏多則行七煞旺運或三合
得地可發若元無制伏則要行制伏之運可
發或遇煞旺而無以制之則禍生矣月上偏
官却怕衝與陽刃同時上偏官不怕衝與陽
刃又要本身生日自旺如甲乙日在正二月
生是也時偏官為人性重剛執不屈月偏官
多者亦然

壬午 庚戌 甲午 庚午 詹奇丞

甲申	丙寅	乙卯	辛巳	史魏王
己巳	丁卯	丙午	壬辰	李寺正
庚寅	壬午	戊寅	甲寅	鄭尚書
庚辰	丙戌	戊戌	甲寅	朱尚書
辛巳	辛丑	己卯	乙亥	危尚書
壬申	癸丑	己丑	乙亥	俞侍郎
丁亥	丁未	乙巳	辛巳	劉都統
丁巳	壬子	癸卯	己未	樓泰政
庚辰	丁亥	癸亥	己未	何判局

已上五格皆正氣法

飛天祿馬格

此格以庚壬二日用子字多衝午中丁巳為
官星要四柱中有寅字并未字或戌字得一
字可合為妙如六庚日六壬日以子衝午若
四柱中有丑字則子不能去衝矣歲君大運
亦忌如六庚日以子衝午中丁火為官星若
四柱中有丁字并午字則減分數歲君亦忌
如六壬日以子衝午中巳土為官星若四柱
中有巳字并午字則減分數歲君大運亦損
忌之

丙子 丁酉 壬子 庚子 喬丞相

己未 丙子 庚子 丙子 蔡貴妃

壬子 壬子 壬子 壬寅 橫行正使

壬子 壬子 壬子 甲辰 曾尚書

壬子 壬子 丙午 丙者以子

不合又見午字

又格

以辛癸日用亥字衝巳中丙戊為官星要四柱中有申字并酉字或丑字得一字可合為妙假令六癸日以亥衝巳若四柱中有戌字

則亥不能去衝矣歲君大運亦忌如六辛日
以亥衝巳中丙字為官星若四柱中有丙字
并巳字則減為數歲君大運亦忌運重太歲
輕再見巳字則有禍矣

丁未	癸卯	癸亥	癸丑	梁丞相	<small>亥衝 丑合</small>
壬申	辛亥	癸亥	壬子	曹郎中	<small>亥衝 申合</small>

倒衝格

夫四柱中元無官星方用此格以丙日為主
用午字衝子中癸水丙日得官星不論合若
四柱中有未字則午不能去衝矣大忌癸字

并子字則減分數歲君大運亦然

庚寅

壬午

丙戌

戊戌

奇提舉月十二位強三合有力

丙午

庚寅

丙午

癸巳

趙知府

又格

以丁日為主用巳字多衝亥中壬水為官星

不論合若四柱中有辰字則巳不能去衝矣

大忌四柱中有壬字并亥字則減分數歲君

大運亦同運重歲君輕再見亥字則禍作矣

辛酉

癸巳

丁巳

乙巳

施判院

辛巳

甲午

丁未

乙巳

岳德堂

癸卯

丁巳

丁巳

乙巳

項綱彥

乙巳鼠貴格

如月內有官星則不用此格大怕午字衝之
丙子時子字為妙謂之聚貴也或四柱中有
庚字辛字并申字酉字丑字內則有庚辛金
則減分數歲君大運亦然又曰四柱中元無
官星方用此格

甲寅

戊辰

乙亥

丙子

素判院

戊子

癸亥

乙未

丙子

蘇御帶

丙午

癸巳

乙亥

丙子

丙子者只不合

合祿格秋冬生者為妙

此格以六戊日生人為主以庚申時合卯中乙木戊日得官星若四柱中有甲乙字或丙字巳字刑壞了申字或丙字及傷庚字則減分數歲君大運亦然

壬午 己酉 戊午 庚申 史春坊

己未 丙子 戊戌 庚申 黃侍郎雖

丙字子月無丙火

壬申 辛亥 戊寅 庚申 鄭知府

庚午 己丑 戊午 庚申 甘太尉

丙申

庚子

戊申

庚申

李武翼

李武翼命係是合祿只不合當生本命透
出丙字在丙戌年又行乙巳運不合再見
丙字降
官失職

又格

六癸日為主喜逢庚申時用申時合巳申戊
土癸日得官星若四柱中有戊字并巳字刑
壞了申時或丙字及傷庚申時則減分數歲
君大運亦然又曰四柱中元無官星方用此
格

癸酉

乙丑

癸丑

庚申

程同知

癸酉

乙卯

癸酉

庚申

徐殿院

乙酉

癸未

癸未

庚申

趙丞相

壬午

庚戌

癸丑

庚申

楊安撫

乙未

巳卯

癸亥

庚申

桑統制

子遙巳格

此格以二甲子子內癸水遙合巳中戊土戊
來動丙：來合酉中辛金甲日得官星則巳
酉丑三合官祿要行官旺鄉運忌四柱中有
庚字七煞辛字官星并申酉字丑字絆住則
子不能去遙矣若有午字衝子則減分數

巳巳 乙亥 甲子 甲子 錢丞相

丙寅 壬辰 甲子 甲子 趙知府

巳丑 甲戌、甲子 甲子 不合丑字
解佳所

只為
白丁

丑逢巳格

此格只有辛丑癸丑二日是也。用丑字多逢巳中丙戌辛癸日得官星。丑字多為妙。若四柱中有子字絆住則丑不能去逢矣。要四柱中有申字并酉字得一字為妙。如辛丑日若四柱中有丙丁字并巳字午字則減分數。歲

君大運亦同癸丑日亦不要見戌字巳字巳
字午字又曰四柱中元無官星方用此格

癸丑 乙丑 辛丑 戊子 鄭樞密

辛丑 辛丑 辛丑 庚寅 章統制

乙丑 己丑 癸丑 乙卯 葉侍郎

壬騎龍背格

壬辰多者貴寅字多者富壬日生辰上以丁
為財以己為官壬日以辰衝戌中丁戊壬辰
日得財官而寅午戌三合或壬日至寅却要
年月時上多聚辰字方可用若壬辰日有年

月時上皆在寅字只為富命以寅午戌為財
得地若年月時上辰字多則衝出財官得以
貴也

壬辰 甲辰 壬辰 壬寅 壬樞密

戊寅 庚申 壬辰 甲辰 諸葛判院

壬寅 壬寅 壬辰 壬寅 財主巨萬

井欄叉格

此格庚申庚子庚辰三處須要四柱中申子
辰三處全不必三箇庚字若有三庚尤妙只
要庚日主申年月日時或戊子戊辰不妨但得

缺
頁

庚子

庚辰

庚申

壬午

宋大夫宋

夫命不合實子午字運行
至午罷請失職喪妻失子

歸祿格

要行身旺運無行食神傷
官財運亦可發福怕衝

此格假令六甲日生人得寅時謂之歸祿蓋

甲祿在寅餘皆倣此但不要四柱中見官星

七煞則難歸祿矣歲運亦然

丙午

癸巳

甲子

丙寅

錢參政

戊子

甲寅

乙亥

己卯

林樞密

甲午

甲戌

丁未

丙午

李常博

六陰朝陽格

要行西方第一東方第二
南方平北方大忌矣

此格以六辛日為主用丙火為正官喜逢戊
土戊來動丙辛日得官星子字則要一位多
不中若四柱中有丙字丁字巳字午字則衝
子不中則減分數歲君大運亦同

戊辰

辛酉

辛酉

戊子

張知院

戊辰

辛酉

辛丑

戊子

步司正
王太尉

乙丑

庚辰

辛酉

戊子

硬揚大尉

刑合格

此格以六癸日生人為主星用戊土為正氣
官星喜逢甲寅時用刑巳中戊土癸日得官

星如庚寅刑不成惟甲寅時是行運與飛天
祿同若四柱中有戊字己字則減分數又怕
庚寅傷甲字刑壞了忌申字則減分數歲君
大運亦忌

乙未

癸未

癸亥

甲寅

十二節使

丁亥

癸卯

癸卯

甲寅

沈路公

甲戌

甲戌

癸酉

甲寅

陳侍郎

庚午

甲申

癸卯

甲寅

方幹辦方

辦命不合年上庚字刑
不起官星只作自身人

拱祿格

此格只有五日五時見上卷該載大忌真實
最怕衝了日時拱位又怕四柱中有傷日干
七煞皆拱不住則減分數歲君大運亦然

癸卯

癸亥

戊辰

戊午

劉知府

壬子

丁未

丁巳

丁未

唐宮韓唐

韓命不合子衝
午作白身人

拱貴格

夫拱貴者大忌填實貴位最怕刑衝了日時
拱位又怕四柱中有官星衝身七煞之類皆
拱不住則減分數歲君大運亦然

丁巳

丙午

甲寅

甲子

熊少中

辛丑

辛丑

甲寅

甲子

范都事

事命不合實子丑
字只為白身人

印綬格

此格大要生旺忌死絕要四柱中有官星為
妙若年月日時中為印綬月上最緊喜行官
鄉運便發行印綬鄉亦發不要見財

乙亥

戊子

甲寅

甲子

趙知府

辛酉

丙申

壬申

辛亥

汪侍郎

庚寅

乙酉

癸亥

丙辰

牛監簿

雜氣印綬格

乃辰戌丑未月也
亦畏財要行官鄉

辛未

壬辰

甲辰

乙亥

沈尚書

壬申

庚戌

庚戌

戊寅

黃運使

丁丑

癸丑

辛卯

戊子

鄭安撫

庚寅

己丑

壬寅

辛丑

周宗簿

丙寅

辛丑

癸巳

癸亥

呂寺丞

庚寅

丙戌

戊子

癸丑

葛待詔

葛待詔係賣玳瑁梳兒此命是雜氣中月

令透出丙丁火為印綬只不合日時下有

癸水財行亥子丑運不如意在寅卯運中

發數千緡入壬辰運六年不遂交第七年
歲在戊子年二月二十八日壬戌日不祿
正乃是貪財壞印也不可仔細推之

子平三命通變淵源卷下終

蓋人之生。感天地之化孕。陰陽之秀。首繫乎
性命。因性而有命。因命而有九五福。故曰。是
有命焉。命之生也。必有日月之主者。寄于時
刑乎天元。為十干。列乎地元。為十二支。布乎
納音。為五行。是謂三命之書。惟唐韓昌黎文
公序御史李虛中。以日為主。言人禍福。不感
者信矣。夫由是徐子平之術。得其正傳。名重
朝野。耳目之及。無不欽敬。斯書十有八格。法
易十有八爻。而成卦。體春秋十八占之辭也。
東齋徐公發揮與旨。侵梓以廣其傳。余愛其

術猶敵醇酣不覺醉相春風和氣之日
賢祐
字元良月望日錢塘子錢芝翁謹跋